



Broj: 02-11-4-2288/26
Goražde, 14.07.2026.godine

Na osnovu člana 70. stav 1. i 3. Zakona o javnim nabavkama ("Službeni glasnik BiH" br. 39/14, 59/22 i 50/24) u postupku javne nabavke – otvoreni postupak "Nabavka radova na izgradnji novog objekta-svlačionice Vitkovići III faza", Gradonačelnik Grada Goražda donosi:

ODLUKU

o izboru najpovoljnijeg ponuđača za ustupanje radova na izgradnji novog objekta-svlačionice Vitkovići III faza

I

Prihvata se preporuka Komisije za provođenje postupka javne radova na izgradnji novog objekta-svlačionice Vitkovići III faza, te se ugovor o izvođenju radova na izgradnji novog objekta-svlačionice Vitkovići III faza, dodjeljuje ponuđaču GPD „Drina” d.d. Goražde, čija cijena ponude iznosi 359.177,82 KM bez uračunatog PDV-a.

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđaču koji je učestvovao u postupku javne nabavke.

III

Grad Goražde će u Zakonom propisanom roku pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku, shodno uslovima Ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Gradonačelnik Grada Goražda je dana 19.06.2026. godine donio Posebnu odluku o pokretanju postupka javne nabavke radova izgradnji novog objekta-svlačionice Vitkovići III faza, putem otvorenog postupka.

Na osnovu navedene Odluke, dana 23.06.2026. godine, na portalu javnih nabavki objavljeno je Obavještenje o javnoj nabavci broj 413-1-3-43-3-78/26, dok je Sažetak navedenog Obavještenja o nabavci objavljen u „Službenom glasniku BiH” broj 44/26. Tendersku dokumentaciju za ovu nabavku koja je objavljena u sistemu e-nabavke je preuzelo ukupno 16 (šesnaest) ponuđača.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u Zapisniku sa otvaranja ponuda od 14.07.2026. godine.

Komisija za provođenje procedure javne nabavke imenovana Rješenjem Gradonačelnika broj 02-11-4-2288/26 od 19.06.2026. godine sačinila je Zapisnik o pregledu i ocjeni ponuda iz kojeg se vidi sljedeće:


- da je u ostavljenom roku za dostavljanje ponuda za izvođenje radova na izgradnji novog objekta-svlačionice Vitkovići III faza dostavljena ponuda od strane ponuđača GPD „Drina” d.d. Goražde;
- da dostavljena ponuda ponuđača GPD „Drina” d.d. Goražde ispunjava formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, ekonomsko-finansijske kao i tehničke i profesionalne sposobnosti ponuđača koji su za ovu nabavku postavljeni tenderskom dokumentacijom;

- da u skladu sa članom 4. stav (2) Pravilnika o uslovima i načinu korištenja e-aukcije, e-aukcija nije zakazana jer je u ostavljenom roku za dostavljanje ponuda, dostavljena samo jedna ponuda koja je ujedno i prihvatljiva;
- da je ponuda ponuđača GPD „Drina“ d.d. Goražde sa cijenom ponude u iznosu od 359.177,82 KM bez PDV-a, prema kriteriju „najniža cijena“ ocjenjena kao prihvatljiva i najpovoljnija za ugovorni organ.

Na osnovu rezultata pregleda i ocjene ponude Komisija za provođenje postupka javne nabavke radova na izgradnji novog objekta-svlačionice Vitkovići III faza, predložila je Gradonačelniku Grada Goražda, donošenje Odluke o prihvatanju ponude ponuđača GPD „Drina“ d.d. Goražde za ustupanje radova na izgradnji novog objekta-svlačionice Vitkovići III faza, budući da je ponuda navedenog ponuđača na osnovu provedene procedure, ocjenjena kao prihvatljiva i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje Uredu za razmatranje žalbi putem Ugovornog organa u pisanoj formi direktno, elektronskim putem ili preporučenom poštanskom pošiljkom, uz dokaz o plaćenju naknadi za pokretanje žalbenog postupka.



GRADONAČELNIK

ERNEST IMAMOVIĆ

DOSTAVITI:

1. Ponuđaču
2. Web stranica ugovornog organa
3. u spis
4. a/a